



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Gainae postulatione, & Ioannis Chrysostomi responsione. Cap. XXXII.

urn:nbn:de:hbz:466:1-12704

THEODOR. HISTOR.

apostolicorum imitatores conquisiuit, eosque illis erudien-
dis præfecit, literas autem eius ad Leontium episcopū An-
cyræ perscriptas, quibus tum Scythas ad fidem cōuersos ef-
se significabat, tum orabat, vt viros idoneos ad rectam salu-
tis viam illis monstrandam mitteret, ipse equidem perlegi.
Porro autem vbi intellexit pestiferam Marcionis hæresin
nonnullos in nostra regiōe pagos occupasse, scripsit ad eū,
qui id temporis episcopus illius ecclesiæ fuit, hortatus, vt
hæresim illam inde expelleret: atque quò ei in eo negotio
exequendo adiumento esset, edicta imperatoris ad illum
mittenda curauit. Sed de ecclesiis, more Diui Pauli aposto-
li, quàm animo sollicito esset, ex his rebus gestis satis con-
stare poterit.

De Gainæ postulatione, & Ioannis Chrysostomi responsione. CAP. XXXII.

SVnt autem alia ipsius facta, quæ eius loquendi liberta-
tem perspicuè daclarare queât. Exempli gratia: Gainas
quidam genere Schyta, animo barbaro, insolentia pla-
nè tyrannica per id temporis dux fuit, & non modò exerci-
tui ex sua gente collecto, verùm etiam vnà, Romanis tum
equestribus, tum pedestribus copiis præfuit. Quem quidè
non solum alii omnes, sed etiam imperator ipse (quippe eū
tyrannidem moliri suspicabatur) magnopere extimuit. Iste
labe aspersus Arriana, postulat ab imperatore vnum ex sa-
cris templis sibi dari. Imperator autem respondet se de ea
re capturum consilium, & vnum ei curaturum promittit. I-
taq; diuino illo Ioanne accersito, ei postulatum Gainæ ex-
ponit, commemorat eius potentiam, moliri tyrannidem in-
dicat, orat, vt templo donato furètem eius animum placet.
Cui nobilis ille vir, ne, inquit, istud ei pollicere, neq; san-
ctum dare canibus mandes. Nam nunquam equidem pati-
ar, vt qui deum verbum sanctè & augustè laudibus & hym-
nis celebrant, expellantur è sacro templo, idemque tribua-
tur his, qui contra eum loquuntur blasphemias. Atque ne
barbarum illum omnino metuas, imperator, sed me & illū
in vnum locum conuoca, tuque silentio vtriusq; nostrū ser-
moni ausculta. Ego certè me hominis linguam refrenaturū
spero

spero, persuasurumque ne postulet, quod ei concedi non debeat. Quibus auditis, imperator vehementer letatur, & postridie eius diei vtrunq; accersit. Gajnas quidē promissum exposcit: magnus autē Ioannes respōdet illi ex aduerso: non licere imperatori, qui pietatem colere instituat aliquid cōtra res sacras temere moliri. Cui quidē dicēti templū sibi dari oportere, respondet Ioannes, téplum sacrū apertū esse, neminemque eum prohibere, quo minus in eo, si libeat, preces deo fundat. Tū Gajnas, at ego, inquit, alterius sectæ sum, & cū hominibus eius sectæ vnū sanctū templum habere postulo. Atque istud quidem non immeritò peto, quippe qui multa bellica certamina pro Romanis cōfecerim. At præmia, inquit Ioannes tibi propterea tributa labores tuos longe superant. Nam dux es, & honore consulari dignatus: quinetiam tecum debes considerare, quis fueris olim, & qui iam sis: quæ etiam præterita tua inopia, & in qua iam abundantia vitam degas.

Quibus quoq; vestimentis prius indutus esses, quàm Istrū traieceris, & quibus iam opertus. Complectere igitur animo, quàm pauci sint labores, & quàm ampla præmia: atque noli erga eos, qui tibi honorem hunc detulerint, ingratus esse. Hac oratione habita, Ioannes, celebris totius orbis terrarum doctor, os obturauit Gajnæ, atque ad eo obmutescere coegit. Temporis autē interuallo interiecto, Gajnas tyrannidem, quam mollitus fuerat, manifestò patefecit, atque collecto in Thracia exercitu, prædas agere, & multa loca vastare cœpit. Quibus rebus cognitis, omnes cum magistratus, tum subiecti metu exhorrescere: atque nemo erat, qui vel cum eo in acie configere animum induxerit, vel legationem apud eum obire se tuto posse existimarit. Nam barbarum eius & crudelem animū quisque suspectum habuit.

De Chrysostomi ad Gainam legatione.

CAP. XXXIII.

ID temporis aliis omnibus velut metu perculsi relictis, initum est ad Ioannem, inuictissimum illum Christi bellatorem: suadetur ei, vt legatus ad Gajnam proficiscatur.

℞ 5 Ille